



Broj: 04-GV-02-1203/18
Datum: 13.11.2018. godine

ZAPISNIK
O RADU DESETE SJEDNICE MANDATNO-IMUNITETSKE KOMISIJE
ODRŽANE 13.11.2018. GODINE

Prisutni:

1. Snežana Omukić, predsjedavajuća Komisije
2. Nuko Grebović, zamjenik Predsjedavajuće
3. Adnan Talić, član
4. Edina Gabela, članica
5. Barbara Peleš Stroil, članica

Odsutni: Toni Vukadin, član

Sjednici prisustvovala iz Gradske službe za Gradskog vijeće:

- Mirjana Đanović Stanić, šef Odsjeka za stručne poslove

Predsjedavajuća je otvorila sjednicu pozdravila prisutne i utvrdila kvorum za punovažan rad i odlučivanje. Sjednica je započela razmatranjem i jednoglasnim usvajanjem Zapisnika o radu prethodne sjednice Mandatno-imunitetske komisije održane 08.10.2018. godine.

Poslije rasprave i sažetka Predsjedavajuće, jednoglasno je usvojen sljedeći **dnevni red**:

1. Javna rasprava o Nacrtu Programa rada Gradskog vijeća Grada Sarajeva za 2019. godinu
2. Tekuća pitanja

TAČKA 1.

Javna rasprava o Nacrtu Programa rada Gradskog vijeća Grada Sarajeva za 2019. godinu

Poslije kratkih uvodnih napomena, bez rasprave i sažetka Predsjedavajućeg jednoglasno je usvojen sljedeći **zaključak**:

1. Mandatno-imunitetska komisija konstatira da sjednici ne prisustvuje predstavnik Gradonačelnika, te se očekuje da ubuduće sjednici obavezno prisustvuje predstavnik Gradonačelnika.
2. Mandatno-imunitetska komisija je razmotrila Nacrt Programa rada Gradskog vijeća Grada Sarajeva za 2019. godinu, te se o njemu očitovala u zaključcima koji slijede.
3. Komisija konstatira da je u Nacrtu Programa sadržano i preispitivanje Poslovnika o Gradskom vijeću Grada Sarajeva, kada će Komisija intervenirati svojim prijedlozima vezano za djelokrug ovog radnog tijela.
4. Mandatno-imunitetska komisija predlaže da se u Program rada Gradskog vijeća za 2019. godinu uvrsti razmatranje Informacije o realizaciji inicijative za suradnju Grada Sarajeva i gradskih općina, s ciljem poboljšanja stanja javne higijene u gradu Sarajevu, tako da se razmatra u maju mjesecu, na prijedlog Gradonačelnika.
5. Mandatno-imunitetska komisija insistira na tome da se u Program rada Gradskog vijeća Grada Sarajeva za 2019. godinu uvrsti tema kojom će Grad Sarajevo potencirati konačnu definiciju statusa Grada Sarajeva, odnosno, stvarno provođenje nadležnosti Grada Sarajeva u skladu s potrebama i očekivanjima građana.



TAČKA 2.

Tekuća pitanja

Poslije rasprave i sažetka Predsjedavajuće, jednoglasno je donesen sljedeći **zaključak**:

1. Mandatno-imunitetska komisija upućuje inicijativu Gradskom vijeću da svojim zaključkom zaduži Gradonačelnika da inicira suradnju sa načelnicima gradskih općina, s ciljem koordinacije aktivnosti vezanih uz poslove iz djelokruga Grada Sarajeva i gradskih općina, a vezano za komunalne poslove, s naglaskom na javnu higijenu i to tako da Gradonačelnik i načelnici općina utvrde smjernice za zajedničko djelovanje koje bi se dalje razradile konkretnim aktivnostima kroz direktnu suradnju nadležnih općinskih, odnosno gradskih službi.

Zapisničar:

Mirjana Đanović Stanić

PREDSJEDAVALA KOMISIJE

Snežana Omukić, s.r.